



SLUŽBENE NOVINE TUZLANSKOG KANTONA

GODINA 26 • TUZLA, SRIJEDA, 23. OKTOBAR 2019. GODINE • IZDANJE NA BOSANSKOM JEZIKU • BROJ 11

494

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona”, br. 7/97 i 3/99 i „Službene novine Tuzlanskog kantona”, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 18.10.2019. godine, donosi

ZAKON

O IZMJENI ZAKONA O IZVRŠENJU BUDŽETA TUZLANSKOG KANTONA ZA 2019. GODINU

Član 1.

U Zakonu o izvršenju Budžeta Tuzlanskog kantona za 2019. godinu („Službene novine Tuzlanskog kantona”, broj: 3/19) u članu 78. stav (3) mijenja se i glasi:

„(3) Sredstva iz člana 69. tačka 32. rapoređivat će se u skladu sa kriterijima koje donosi resorno ministarstvo, a na koje saglasnost daje Vlada Kantona. Na osnovu donesenih kriterija, resorno ministarstvo donosi odluku o odobravanju finansijskih sredstava, a u skladu sa odredbama Zakona o predškolskom odgoju i obrazovanju („Službene novine Tuzlanskog kantona”, br. 12/09, 8/11, 10/13 i 8/18).”

Član 2.

Ovaj zakon stupa na snagu danom objavljivanja u „Službenim novinama Tuzlanskog kantona”.

Bosna i Hercegovina
- Federacija Bosne i Hercegovine -
TUZLANSKI KANTON
Skupština

Predsjednik
Skupštine Tuzlanskog kantona
Žarko Vujović, v.r.

Broj: 01-02-339-4/19
Tuzla, 18.10.2019. godine

495

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona”, br. 7/97 i 3/99 i „Službene novine Tuzlanskog kantona”, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 18.10.2019. godine, donosi

ODLUKU

O DAVANJU SAGLASNOSTI

Član 1.

Daje se saglasnost na Odluku Vlade Tuzlanskog kantona broj: 02/1-14-17696/19 od 10.09.2019. godine o izmjeni Odluke broj: 02/1-14-6658/17 od 21.03.2017. godine.

Član 2.

Odluka stupa na snagu danom donošenja i bit će objavljena u „Službenim novinama Tuzlanskog kantona”.

Bosna i Hercegovina
- Federacija Bosne i Hercegovine -
TUZLANSKI KANTON
Skupština

Predsjednik
Skupštine Tuzlanskog kantona
Žarko Vujović, v.r.

Broj: 01-02-314-4/19
Tuzla, 18.10.2019. godine

496

Na osnovu članova 5. i 29. Zakona o Vladi Tuzlanskog kantona („Službene novine Tuzlanskog kantona”, br. 17/00, 1/05, 11/06, 13/11 i 15/17), člana 31. Zakona o privatizaciji preduzeća („Službene novine Federacije BiH”, broj: 27/97, 8/99, 32/00, 45/00, 54/00, 61/01, 27/02, 33/02, 28/04, 44/04, 42/06 i 4/09), a u vezi sa odredbama Zakona o privrednim društvima („Službene novine Federacije Bosne i Hercegovine”, broj: 81/15) i Zakona o javnim preduzećima u Federaciji Bosne i Hercegovine („Službene novine Federacije Bosne i Hercegovine”, br. 8/05, 81/08, 22/09 i 109/12), Vlada Tuzlanskog kantona, na sjednici održanoj dana 24.09.2019. godine, donosi

UREDBU

O VRŠENJU OVLAŠTENJA U PRIVREDNIM DRUŠTVIMA SA UČEŠĆEM DRŽAVNOG KAPITALA IZ NADLEŽNOSTI TUZLANSKOG KANTONA I OPĆINA/GRADOVA NA PODRUČJU TUZLANSKOG KANTONA

I. OSNOVNE ODREDBE

Član 1.

Ovom uredbom uređuje se vršenje ovlaštenja na osnovu učešća državnog kapitala u privrednim društvima iz nadležnosti Tuzlanskog kantona (u daljem tekstu: Kanton) i općina/gradova na području Kantona, u radu i odlučivanju skupštine privrednog društva, utvrđivanje prijedloga kandidata za imenovanje i razrješenje predsjednika i članova nadzornih odbora, kao i davanje saglasnosti za imenovanje i razrješenje članova uprave

u privrednim duštvima sa većinskim učešćem državnog kapitala, osim u slučaju kad je zakonom drugačije uređeno.

Član 2.

U privrednim društvima sa učešćem državnog kapitala iz nadležnosti Kantona, i općina/gradova na području Kantona (u daljem tekstu: privredno društvo), ovlaštenja na osnovu učešća državnog kapitala vrši Vlada Tuzlanskog kantona (u daljem tekstu: Vlada Kantona), putem nadležnih ministarstava, odnosno općine/gradovi putem nadležnih organa.

II. UČEŠĆE U RADU I ODLUČIVANJU SKUPŠTINE PRIVREDNOG DRUŠTVA

Član 3.

(1) Pravo učešća u radu i odlučivanju skupštine privrednog društva iz nadležnosti Kantona i općina/gradova na području Kantona, Vlada Kantona i općinska/gradska vijeća ostvaruju putem punomoćnika.

(2) Nadležno ministarstvo, odnosno nadležni organ općine/grada, za svaku sjednicu skupštine privrednog društva određuju punomoćnika kojem daju punomoć u pisanom obliku i koji je u svemu dužan postupati u skladu sa dobijenim obavezujućim uputama nadležnog ministarstva odnosno nadležnog organa općine/grada.

(3) Nadležno ministarstvo, odnosno nadležni organ općine/grada, prije davanja uputa, može tražiti stav Vlade Kantona, odnosno općinskog/gradskog vijeća.

Član 4.

(1) Punomoć u radu i odlučivanju skupštine privrednog društva dostavlja se privrednom društvu najkasnije tri dana prije održavanja skupštine.

(2) Vlada Kantona, odnosno općinsko/gradsko vijeće, može opozvati punomoć ili umjesto već date punomoći dati novu punomoć.

(3) Punomoćnik, prilikom odlučivanja na skupštini privrednog društva, raspolaže ukupnim brojem glasova koji pripada državnom kapitalu a za svoj rad odgovoran je organu koji ga je imenovao.

III. UTVRĐIVANJE PRIJEDLOGA KANDIDATA ZA IMENOVANJE ČLANOVA NADZORNOG ODBORA

Član 5.

(1) Postupak utvrđivanja prijedloga kandidata za imenovanje članova nadzornog odbora u privrednom društvu, provodi se putem javnog oglašavanja u "Službenim novinama Federacije Bosne i Hercegovine" i jednom od dnevnih listova.

(2) Odluku o raspisivanju oglasa iz stava (1) ovog člana, donosi Vlada Kantona na prijedlog nadležnog ministarstva, odnosno općinsko/gradsko vijeće na prijedlog nadležnog organa općine/grada.

(3) Postupak utvrđivanja prijedloga kandidata iz stava (1) ovog člana, provodi se u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), a za članove nadzornih odbora u privrednim društvima iz nadležnosti Kantona, oglas se provodi i u skladu sa Odlukom o utvrđivanju uslova i kriterija za imenovanje u regulirane organe – prečišćeni tekst ("Službene novine Tuzlanskog kantona", broj: 4/12 i "Službene novine Tuzlanskog kantona", br. 6/12, 8/14, 12/15 i 14/15).

(4) Radi provođenja postupka iz stava (1) ovog člana, nadležno ministarstvo, odnosno nadležni općinski/gradski organ, imenuje komisiju. Nakon okončanog postupka izbora kandidata, komisija je dužna sačiniti rang listu kandidata koji ispunjavaju tražene uslove i zapisnik koji sadrži sve aktivnosti i radnje obavljene od strane komisije. Rang listu kandidata i zapisnik sa kopijom svih prijava kandidata i dostavljenih dokaza, komisija je dužna dostaviti Vladi Kantona odnosno općinskom/gradskom vijeću.

(5) Na osnovu rang liste kandidata iz stava (4) ovog člana, Vlada Kantona, odnosno općinsko/gradsko vijeće, donosi odluku o utvrđivanju prijedloga kandidata za imenovanje članova nadzornog odbora.

(6) U skladu sa odlukom iz stava (5) ovog člana, skupština privrednog društva donosi odluku o imenovanju članova nadzornog odbora.

(7) Za člana nadzornog odbora privrednog društva sa učešćem državnog kapitala, ne može biti predložen kandidat koja ne ispunjava opće i posebne uslove utvrđene oglasom, a koji su propisani Odlukom o utvrđivanju uslova i kriterija za imenovanje u regulirane organe.

(8) Kandidat za člana nadzornog odbora ne može biti lice kojeg isključuju odredbe članova 248. i 252. Zakona o privrednim društvima.

Član 6.

Članovi nadzornog odbora u privrednim društvima koja obavljaju djelatnost od javnog društvenog interesa, dužni su da se pridržavaju i odredaba Zakona o javnim preduzećima u Federaciji Bosne i Hercegovine.

Član 7.

Izuzetno, bez provođenja postupka iz člana 5. ove uredbe, Vlada Kantona odnosno općinsko/gradsko vijeće, može utvrditi prijedlog kandidata za privremeno imenovanje člana nadzornog odbora ispred državnog kapitala, do okončanja procedure po oglasu, a najduže tri mjeseca, počev od stupanja na snagu odluke skupštine o imenovanju člana nadzornog odbora.

Član 8.

U slučaju razrješenja dužnosti člana nadzornog odbora imenovanog ispred državnog kapitala prije isteka mandata, novoimenovanom članu nadzornog odbora mandat može trajati do isteka mandata članova nadzornog odbora koji nisu razriješeni.

Član 9.

(1) Članovi nadzornog odbora imenovani kao predstavnici državnog kapitala dužni su prije održavanja sjednice nadzornog odbora pribaviti mišljenje nadležnog ministarstva, odnosno nadležnog organa općine/grada, ako se na sjednici nadzornog odbora razmatraju pitanja iz člana 257. tačke c), d), e), f), g), h), i) i m) Zakona o privrednim društvima.

(2) Mišljenje organa iz stava (1) ovog člana dužan je pribaviti i član nadzornog odbora u privrednom društvu iz člana 6. ove uredbe, ako nadzorni odbor odlučuje o pitanjima iz člana 8. tačke od b) do h) Zakona o javnim preduzećima u Federaciji Bosne i Hercegovine.

(3) Nadležno ministarstvo, odnosno nadležni organ općine/grada, prije davanja mišljenja o pitanjima iz stavova (1) i (2) ovog člana, može tražiti stav Vlade Kantona, odnosno općinskog/gradskog vijeća.

(4) Bez pribavljenog mišljenja iz stavova (1) i (2) ovog člana, član nadzornog odbora ne može učestvovati u odlučivanju tog organa.

(5) Izuzetno od odredbe stava (4) ovog člana, član nadzornog odbora može učestvovati u odlučivanju bez pribavljenog mišljenja nadležnog organa ukoliko je sjednica zakazana usljed okolnosti više sile zbog koje nije bilo moguće tražiti mišljenje.

Član 10.

(1) Članovi nadzornog odbora imenovani ispred državnog kapitala, dužni su postupati i odgovorni su prema odredbama članova 258. do 261. Zakona o privrednim društvima.

(2) Članovi nadzornog odbora, imenovani ispred državnog kapitala, dužni su Vladi Kantona, odnosno općinskom/gradskom vijeću, blagovremeno, a najmanje jednom tromjesečno, dostaviti pisani izvještaj o svom radu.

IV. DAVANJE SAGLASNOSTI ZA IMENOVANJE ČLANOVA UPRAVA PRIVREDNIH DRUŠTAVA SA VEĆINSKIM UČEŠĆEM DRŽAVNOG KAPITALA

Član 11.

(1) Izbor kandidata za članove uprave privrednih društava sa većinskim učešćem državnog kapitala, vrši nadzorni odbor privrednog društva, na osnovu objavljenog javnog konkursa, u skladu sa općim i posebnim uslovima utvrđenim zakonom i statutom privrednog društva, a za članove uprave privrednih društava iz nadležnosti Kantona, konkurs se provodi i u skladu sa Odlukom o utvrđivanju uslova i kriterija za imenovanje u regulirane organe.

(2) Nakon okončanog postupka izbora kandidata u skladu sa stavom (1) ovog člana, nadzorni odbor privrednog društva sačinjava i dostavlja Vladi Kantona, odnosno općinskom/gradskom vijeću, rang listu kandidata koji ispunjavaju tražene uslove i zapisnik o obavljanim radnjama i aktivnostima, kao i prijedlog kandidata za davanje saglasnosti za imenovanje članova uprave privrednog društva.

(3) Vlada Kantona, odnosno općinsko/gradsko vijeće, donosi odluku o davanju prethodne saglasnosti nadzornom odboru za imenovanje članova uprave.

(4) U skladu sa odlukom iz stava (3) ovog člana, nadzorni odbor privrednog društva je dužan donijeti odluku o imenovanju članova uprave.

Član 12.

U slučaju razrješenja dužnosti člana uprave privrednog društva sa većinskim učešćem državnog kapitala prije isteka mandata, nadzorni odbor privrednog društva dužan je prije imenovanja člana uprave provesti postupak izbora kandidata iz člana 11. ove uredbe na mandatni period koji može trajati samo do isteka mandata članova uprave koji su imenovani prilikom imenovanja cijele uprave.

Član 13.

(1) Izuzetno, bez provođenja postupka iz članova 11. i 12. ove uredbe, Vlada Kantona, odnosno općinsko/gradsko vijeće, može, na prijedlog nadzornog odbora privrednog društva, donijeti odluku o davanju prethodne saglasnosti nadzornom odboru za razrješenje dužnosti člana uprave i odluku o davanju prethodne saglasnosti za imenovanje vršioca dužnosti

člana uprave do okončanja konkursne procedure, a najduže na vremenski period do šest mjeseci, počev od stupanja na snagu odluke o imenovanju vršioca dužnosti.

(2) U skladu sa odlukama Vlade Kantona, odnosno općinskog/gradskog vijeće iz stava (1) ovog člana, nadzorni odbor privrednog društva, dužan je donijeti odluku o razrješenju člana uprave i odluku o imenovanju vršioca dužnosti člana uprave, najkasnije u roku od 15 dana od dana dostavljanja odluka o prethodnoj saglasnosti nadzornom odboru privrednog društva.

(3) Član uprave privrednog društva sa većinskim učešćem državnog kapitala kojem je mandat istekao ili je razriješen dužnosti prije isteka mandata, dužan je izvršiti komisijku primopredaju dužnosti u roku utvrđenom aktom privrednog društva.

V. PRIJELAZNE I ZAVRŠNE ODREDBE

Član 14.

(1) Vlada Kantona, odnosno općinsko/gradsko vijeće, utvrđuje listu privrednih društava nad kojima vrši ovlaštenja na osnovu učešća državnog kapitala.

(2) Do utvrđivanja liste iz stava (1) ovog člana, primjenjivat će se Odluka o utvrđivanju liste preduzeća prema kojima Vlada Kantona vrši ovlaštenja i obaveze vlasnika po osnovu državnog kapitala („Službene novine Tuzlansko-podrinjskog kantona“, br. 8/97, 10/97, 12/97, 13/97, 14/97, 1/98, 2/98, 4/98, 10/98, 5/99 i „Službene novine Tuzlanskog kantona“, br. 11/99, 13/99, 2/00, 6/00, 13/00, 13/01, 14/01, 6/02, 14/14 i 16/15).

Član 15.

Privredna društva sa učešćem državnog kapitala, dužna su uskladiti svoj statut sa ovom uredbom u roku od 60 dana od dana stupanja na snagu ove uredbe.

Član 16.

Danom stupanja na snagu ove uredbe prestaje da važi Uredba o vršenju ovlaštenja organa Tuzlanskog kantona i općina na području Kantona u privrednim društvima sa učešćem državnog kapitala („Službene novine Tuzlanskog kantona“, br. 11/05 i 11/18).

Član 17.

Ova uredba stupa na snagu narednog dana od dana objavljivanja u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

PREMIJER KANTONA
Prof. dr. Denijal Tulumović, v.r.

Broj: 02/1-02-17131/19
Tuzla, 24.09.2019. godine

497

Na osnovu članova 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06, 13/11 i 15/17) Vlada Tuzlanskog kantona, na sjednici održanoj dana 17.09.2019. godine, d o n o s i